

欽定大清會典事例

欽定大清會典事例卷一千二百七

內務府

畜牧

內外馬廄 大凌河牧養 養息牧馬 庫 商都達布遜諾爾馬庫 達里岡

受駝庫

商都達布遜諾爾駝馬廄 達里岡

受駝庫 商都達布遜諾爾駝馬廄 達里岡

內外馬廄。康熙年間定。

紫禁城內設

御馬走馬各一廄。均隨時增減。無定額。

御馬廄。附應差駑馬五匹。仗馬一廄。三十四匹。附應

差駑馬十四匹。

東安門內駑馬四廄各二百匹。駕車一廄馬七十匹。羸三十匹。

西安門內川馬一廄無定額。駝一廄百隻。附應差駑馬十五匹。

南苑

御馬內馬共六廄無定額。每廄附巡羣馬三十四。牝馬十羣。每羣二百匹。甕山駑馬一廄二百四十匹。○雍正元年

諭

皇考親乘良馬。著謹慎飼養。如有偷騎調換等情。即行

處斬。○又議准。每廄鷩馬。額定二百四十四匹。○十三年。裁牝馬十羣。歸併大凌河牧養。○乾隆二年。奏准。

紫禁城內走馬一廄。改為

皇子乘馬。○五年。奏准。內管領所管駕車贏。歸上駟院管理。設廄於

西安門內。額定馬三十四匹。贏七十匹。○十一年。定南苑六廄內。設桐馬一羣。額定騰馬十匹。牝馬八十四匹。以備取漣之用。○十六年。移甕山馬廄於安河。○十八年。改駝廄為鷩馬廄。並大有莊鷩

馬一廐。京城駕馬四廐。共馬一千二百匹。作為六廐。每廐各二百匹。其駝百隻。分養京城駕馬五廐。每廐各二十隻。其附養駝廐之應差馬十五匹。以十匹附仗馬廐。以五匹附

皇子乘馬廐。○又奏准。桐馬羣內。裁騰馬六匹。牝馬四十四匹。○又奏准。安河馬廐。減馬四十四匹。○十九年。增

東安門內駕車馬廐。羸十匹。

西安門內駕車馬廐。羸三十匹。○二十年。奉

旨。駕車馬二廐。各定設馬五十四匹。羸五十四匹。○二十三

年奉

旨。上駟院留養駝五十隻。儘足數用。著將駝五十隻。永留京內畜養。其每年出青駝五十隻。即著裁汰。置諸牧羣。如京內留養駝五十隻內。遇有殘傷倒斃。取補款額駝隻。著奏明再行調取。○二十八年奏准。

南苑六廄巡羣馬。每廄各裁汰十匹。○三十五年奏准。

南苑六廄巡羣馬。每廄各裁汰十匹。○三十七年奏准。川馬廄額定小馬十四匹。○四十三年奏准。駕車馬二廄內。裁汰羸十匹。馬二十四匹。以

上乘駕車羸三十四。儀仗駕車馬三十四。作為一廄。其餘羸六十四。駕車馬五十四。作為一廄。又奏准。仗馬廄附養應差馬二十四內。裁汰十匹。南苑六廄巡羣馬。每廄各裁汰五匹。○四十四年。移駝隻於

東安門內駕車馬廄附養。○五十年奏准。駕馬六廄。每廄各裁十匹。額定餽養馬各一百九十四。○嘉慶五年。復移駝隻於京城駕馬五廄內餽養。○六年奏准。將柁馬一羣裁汰。○十八年

諭。嗣後如有將私馬混入官廄餽養者。著該管大臣叅

奏如該管大臣徇隱別經發覺將伊等一併懲處再南苑本有阿哥等額餵官馬嗣後如有新增馬匹著交上駟院試驗如馬匹堪臻上選即歸入額內官為餵養若係駕下者毋庸存留致逾定額○道光二十

三年奉

旨南苑原設六圍著裁撤二圍其由南苑各圍所養蒙古人等進到馬內撤出馬六十四匹京圍擇出馬一百四十匹著分賞前鋒統領護軍統領十營兵丁至該院司葦司嚮蒙古醫生人等每月每名領馬乾銀一分並該院應領馬乾銀三十分仍著照舊支領毋



庸裁減一半。

大凌河牧養。○康熙八年。設牝馬十羣。○十八年。以

盛京馬三羣歸大凌河北馬羣內牧養。別將羣內  
驕馬分設二羣。○三十年。增設牝馬十羣。驕馬  
二羣。○三十九年。增設驕馬二羣。○四十四年  
奏准。將羣內牡馬牝馬共選三千七十一匹。作  
為五分。分給土默特二處喀喇沁三處。孳生牧  
養。每年將孳生倒斃馬數呈報理藩院。三年一  
次具奏。咨上駟院存案。○四十六年。增設牝馬

六羣。○雍正元年。增設牝馬驢馬各四羣。○五年。奏准喀喇沁所養孳生馬一分。仍交大凌河牧養。○十三年。奏准。

南苑牧養牝馬十羣。移於大凌河牧羣內牧養。○乾隆六年。增設牝馬六羣。驢馬二羣。○又裁驢馬二羣。○十三年。奏准牝馬三十六羣。共大小一萬九千七百匹。內撥出馬五千匹。交哲里穆盟長親王等牧養。照喀喇沁牧養例。呈報理藩院辦理。以五千匹交商都達布遜諾爾總管牧放孳生。留牝馬八千。分為二十羣。每羣額定四

百匹。其餘齒老殘病之馬。交山海關稅務監督照例變價。○十九年議准。養息牧驢馬二羣。分在大凌河驢馬羣內。牝馬六羣。改為四羣。亦移於大凌河牧放。○道光四年

諭。均查大凌河馬羣。多餘馬四千四百餘匹。著毋庸變價。加息分賞盛京吉林黑龍江等處兵丁。○九年

諭。朕昨日經過杏山迤東之石門子地方。閱看馬廠內排列大凌河驢馬三十四羣。共一萬二千九百五十餘匹。均極驍壯整齊。從此逐歲孳生。日益蕃庶。過有差調。何患不敷。因思嘉慶年間。富俊曾經奏請裁

撤大凌河牧廠馬匹。分撥盛京吉林黑龍江三省官  
兵拴養。承

皇考仁宗睿皇帝特降

諭旨飭駁。以其事斷不可行。仰見

聖慮周詳。至深且遠。馬政攸關緊要。大凌河牧廠寬廣。  
水草茂盛。實足為蕃息之資。若輕議裁撥。則散之甚  
易。聚之甚難。必致馬匹缺額。不能仍復舊規。儻再有  
率為此請者。即係莠言亂政。定當執法嚴懲。現在該  
處馬羣充牣。已有成效。嗣後著該副都統留心稽察。  
認真經理。嚴飭各莊頭每歲於馬匹歸槽時。加意餵

養。出青時妥為牧放。務令孳息蕃昌。多多益善。俾一律肥壯可用。斷不可稍形懈弛。以致有名無實。若日久視為具文。馬羣內有疲瘠殘傷不堪調用者。一經查出。惟該副都統是問。○咸豐七年奏准。大凌河西岸馬廠正身。不准開墾。

養息牧馬羣。○康熙八年。設牝馬三羣。○三十二年。增設牝馬十七羣。○五十二年。增設驢馬六羣。○乾隆二年。增設牝馬四羣。驢馬二羣。○六年。裁驢馬二羣。○十五年。議准。裁驢馬四羣。止留二羣。裁牝馬十八羣。止留六羣。○十九年。

奏准。將驕馬二羣。騾馬六羣。歸併大凌河馬羣  
內牧養。

商都達布遜諾爾馬羣。○順治年間。設牝馬二十羣。驕馬六羣。○康熙四年。增設牝馬二十羣。○十三年。增設驕馬四羣。○十四年。增設牝馬三十羣。○三十三年。增設牝馬十羣。驕馬四羣。○三十五年。增設牝馬十羣。○三十六年。增設教爾吉牝馬一羣。○三十八年。增設驕馬四羣。牝馬十四羣。○四十四年。增設牝馬十八羣。○五十年。增設牝馬十一羣。○五十五年。喇嘛庫

禮成賁走馬一羣。○乾隆二年。增設驕馬十  
二羣。○三年奏准。增設牝馬二十羣。驕馬十六  
羣。○六年。移牝馬二十羣於達里岡愛牧養。○  
又裁驕馬六羣。存留牝馬一百三十四羣。驕馬  
四十羣。走馬一羣。每羣自三百匹至五百匹不  
等。○十九年奏准。裁驕馬四羣。增設烏梁海牝  
馬三羣。○二十三年奏准。移烏梁海牝馬三羣  
並喇嘛庫禮成賁。所進走馬一羣於達里岡愛  
牧養。○又裁驕馬十二羣。○二十五年。增設驕  
馬六羣。○二十六年。裁牝馬十羣。○三十一年。

裁牝馬四羣。○三十六年。裁牝馬三十四羣。○  
三十八年。增設牝馬七羣。驢馬十羣。○四十一  
年。增設牝馬七羣。○四十四年。增設牝馬八羣。  
○四十七年。裁驢馬五羣。增設牝馬三羣。○五  
十年。裁驢馬五羣。○嘉慶二年。增設驢馬二羣。  
○五年。增設驢馬三羣。○八年。增設驢馬三羣。  
○十四年。增設驢馬三羣。

達里岡愛馬羣。○康熙三十九年。設牝馬三羣。  
○四十二年。增設牝馬七羣。○四十五年。增設  
牝馬六羣。○五十五年。增設牝馬二羣。○五十



七年。增設牝馬二羣。○六十年。增設牝馬二羣。  
○雍正四年。增設牝馬十八羣。○乾隆六年。奏  
准。移商都達布遜諾爾牝馬二十羣於達里岡  
愛牧養。共牝馬六十羣。每羣自三百匹至五百  
匹不等。○二十三年。奏准。移商都達布遜諾爾  
烏梁海牝馬三羣。喇嘛庫禮成貴所進走馬一  
羣。於達里岡愛牧養。○二十五年。設驢馬五羣。  
○二十六年。增設牝馬十羣。○三十一年。增設  
驢馬七羣。晰梁海牝馬一羣。○三十五年。增設  
驢馬三羣。牝馬五羣。○三十六年。裁牝馬二十

四羣。○三十八年。增設騎馬十羣。○四十一年。增設牝馬十五羣。○又裁騎馬四羣。○康熙四十年。裁騎馬七羣。增設牝馬三羣。○五十年。裁騎馬五羣。○五十六年。騎馬十羣。俱行裁汰。歸併商都達布遜諾爾騎馬羣內牧養。

商都達布遜諾爾駝羣。○順治年間。設牝駝十羣。駝二羣。○康熙三十九年。奏准。移牝駝五羣於達里岡愛牧放。○四十五年。奏准。移牝駝五羣於達里岡愛牧放。○四十六年。奏准。在京騎駝六羣內。選百隻存廄外。餘交商都達布遜

諾爾分四羣牧放。共驢駝六羣。每羣百隻。至二百隻不等。○乾隆三十六年。裁驢駝一羣。○四十年。增設驢駝八羣。○四十七年。增設驢駝二羣。○嘉慶二年。增設驢駝二羣。

達里岡愛駝羣。○康熙三十九年。設駝一羣。牝牡各五十隻。○又移商都達布遜諾爾牝駝五羣。於達里岡愛牧放。○四十五年。移商都達布遜諾爾牝駝五羣。於達里岡愛牧放。○又增設牝駝四羣。○五十七年。增設牝駝二羣。○六十年。裁牝駝一羣。存留牝駝十六羣。每羣自一百

至二百不等。○乾隆二十三年奏准於牝駝羣內揀選牝駝牡駝駝駒一百隻就近交喀喇沁處牧養。每年將孳生例斃數目呈報理藩院咨上駟院存案。○二十六年增設駟駝二羣。○三十一年增設駟駝二羣。○四十四年增設牝駝十羣。○五十年裁駟駝四羣。增設牝駝十四羣。○五十六年增設牝駝十二羣。○嘉慶二年裁牝駝四羣。

盛京聽差馬○

國初定聽差馬三羣。每羣馬五十匹。各設牧長一

人牧丁六名。歲無倒斃者。牧長賞毛青布二十疋。牧丁十疋。倒斃一匹以上至六匹。皆毋庸議。被人盜去者。不論多寡。照數著賠。若不加調習。倒斃七匹以上至九匹。牧長牧丁各鞭八十。十匹以上。各鞭一百。其老疾殘廢不堪應差之馬。交該佐領賞給貧苦匠役。○康熙二十年奏准。聽差馬羣。每羣增馬二十匹。○二十三年奏准。每羣減馬二十匹。每年定議賞罰。據

盛京佐領文到之日具題。

今由盛京總管內務府大臣

其應補

馬匹。移咨上駟院於養息牧馬羣內駕馬撥給。

牧長牧丁均由該佐領於所屬人丁內選補。例  
賞布疋咨廣儲司支領。○乾隆十九年奏准。

盛京應差馬缺由都虞司呈堂具奏咨上駟院行  
大凌河總管撥補。

### 馬廄典牧官役

京師各廄均設廄長一人廄副二人廄丁二十名  
草夫。

御馬廄三十六名。走馬廄二十八名。仗馬廄三十  
名。川馬廄十四名。駕馬四廄各四十四名。駕車  
馬廄二廄各三十二名。

南苑六廄各二十八名。甕山駕馬廄二十四名。各  
草夫內共設百總六人。外郎十六人。駕車馬廄  
二廄。各設馬甲四十名。○雍正元年奏准。川馬  
廄。裁廄長一人。廄副一人。廄丁十名。以駝廄廄  
長兼管。○乾隆十七年定。

京畿原設牧羣。共設牧長副牧長各十一人。牧副  
二十二。人。牧丁二百二十名。今牧羣既經裁汰。  
其各羣員役止留牧長副牧長各五人。牧副十  
人。牧丁百名。充上駟院備馬等差。餘員役仍食  
原餉。撥給奉宸苑。

清漪園

今名頤和風

等處充役。○十八年奏准。駝殿改

為駑馬廄。其川馬廄即以駑馬廄長兼管。○三

十四年奏准。上駟院所屬十八廄。選派內務府

司官六人。上駟院侍衛六人。每人兼管三廄。辦

理一切馬匹草豆錢糧事務。俱以三年一次更

換。○嘉慶六年奏准。將內務府派出兼廄司官

六人裁汰。由上駟院司官內揀選六人。同侍衛

六人兼管。

商都達布遜諾爾典牧官役。○順治年間定。設

掌關防總管二人。翼領三人。蒙古筆帖式五人。



效力筆帖式三人。牝馬每羣設牧長一人。牧副二人。牧丁七名。騎馬每羣設牧副一人。餘與牝馬羣同。駝每羣牧丁十名。餘與騎馬羣同。康熙三十五年奉

旨。裁總管一人。增設翼領二人。○三十九年。撥給達里岡愛翼領二人。○四十一年。設蒙古總管一人。○四十五年。撥給達里岡愛翼領一人。增設署翼領六人。○四十七年。增設翼領一人。○五十五年。增設走馬一羣。設牧長牧副各一人。牧丁七名。○雍正七年。增設翼領一人。○乾隆三年。

增設翼領一人。署翼領三人。○又增設蒙古筆帖式二人。○十九年。裁牧副四人。牧丁七名。○二十四年。增設四品總管一人。○三十一年。裁效力筆帖式三人。

達里岡愛典牧官役。○康熙三十九年奏准。以商都達布遜諾爾總管兼管達里岡愛牧羣事。○設翼領二人。蒙古筆帖式三人。效力筆帖式二人。馬每羣設牧長。牧副各一人。牧丁七名。駝每羣設牧長。牧副各一人。牧丁十名。○四十五年。增設翼領一人。署翼領三人。○雍正五年。裁翼

領一人。○乾隆二十一年。增設四品總管一人。  
○又裁效力筆帖式二人。

大凌河典牧官役。○康熙八年定。由內務府奏  
遣上駟院侍衛司官各一人。前往大凌河直年  
管理。騙馬羣各設牧長一人。牧副二人。牧丁十  
五名。○三十年奏准。騙馬每羣設牧長一人。牧  
副二人。牧丁二十五名。○三十七年。設掌關防  
總管副總管各一人。○雍正二年。裁副總管。增  
設六品牧長。署副總管二人。○五年。署副總管  
改為翼領。○十年奏准。騙馬每羣裁牧副一人。

增設牧長各一人。署牧副各一人。謹案署牧副在牧丁類內。

同下。○十三年奏准。牝馬每羣裁牧副一人。增設

副牧長一人。署牧副一人。○乾隆十五年奉

旨。大凌河牧羣總管。今錦州副都統兼管。著隸盛京將軍。○十九

年奏准。大凌河牧羣。每羣原設牧丁二十五名。

著各減五名。新增牝馬四羣。其牧丁即將所裁

之人充補。仍少十名。照例行錦州等處揀補。



欽定大清會典事例卷一百一十二

內務府

畜牧

捍牧官兵 馬駝考牧 馬駝出牧 供直馬 扈從馬

捍牧官兵。雍正四年奏准商都達布遜諾爾

牧羣內揀選牧長三人。牧副六人。牧丁六十名。

專司緝捕盜賊。十年議准於上駟院太僕寺

三旗牛羊羣三處游牧蒙古牧丁內揀選千名

調往軍營奉

旨。此項兵丁。俟凱旋時。著作為三處游牧羣揀選兵丁

令防守牧羣。以備緝捕盜賊之用。十一年議准於

上駟院所屬商都達布遜諾爾游牧羣蒙古內。選取防禦三人。驍騎校二人。護軍校十二人。護軍三百四十五名。達里岡愛牧羣蒙古內。選取防禦一人。驍騎校一人。護軍校三人。護軍百名。令往軍營。○乾隆元年奏准各游牧處選出官員兵丁。均自軍前撤回。令各歸該游牧處防守牧羣。緝捕盜賊。○三年奏准商都達布遜諾爾自軍前撤回之護軍以二百八十名兼充牧丁。以六十名專司緝捕。○十四年奏准達里岡愛牧羣。照商都達布遜諾爾例。以護軍六十名專

司緝捕四十名兼充牧丁。

馬駝考牧。康熙年間定。

京師各廄每年查閱一次。每三年奏遣上駟院官考其息耗。以內外駕馬五廄為一班。

南苑六廄巡羣馬為一班。互相比較。按倒斃數少者為一等。數平者為二等。數多者為三等。各定賞罰。駕馬廄一等者。賞廄長緞一疋。廄副彭緞一疋。二等免議。三等廄長罰俸三月。廄副鞭三十。巡羣馬一等者。賞廄長毛青布六疋。廄副三疋。二等免議。三等廄長罰俸兩月。廄副鞭二十。



○又定商都達布遜諾爾駝羣每三年達里岡愛北駝羣每六年奏遣官查閱一次定議賞罰。大凌河駝馬羣每百匹內倒斃一匹至四匹者賞牧長蟒緞緣領袖緞袍一件。緞一疋。牧副粧緞緣領袖緞袍一件。毛青布十疋。倒斃五匹至八匹者。牧長牧副賞緞布如之。倒斃九匹至十二匹者免議。倒斃十三匹至十六匹者。牧長罰俸六月。牧副鞭四十。倒斃十七匹以上者。牧長罰俸一年。牧副鞭八十。北馬羣每三年牝馬五匹。孳生馬駒二匹。如額外孳生百六十匹以

上者為一等。賞牧長皮端罩羊皮緞袍各一件。  
一等牛一頭。牧副羊皮緞袍一件。毛青布十疋。  
一等牛一頭。八十疋以上者為二等。賞牧長羊  
皮緞袍一件。一等牛一頭。牧副毛青布十疋。二  
等牛一頭。一匹以上者為三等。賞牧長毛青布  
十疋。二等牛一頭。牧副二等牛一頭。如華生缺  
額一百匹以上者為一等罪。牧長罰俸九月。牧  
副鞭六十。五十一匹以上者為二等罪。牧長罰  
俸六月。牧副鞭五十。一匹以上者為三等罪。牧  
長罰俸三月。牧副鞭四十。如羣內缺原額。牧長

罰俸一年。牧副鞭八十。其掌關防總管翼領等除駟馬羣不議賞罰外。牝馬牡馬馬駒彙計總數。於額外多孳生五百匹者為一分。如多一二分者註冊。多三分者該總管翼領各加一級。多三分以上者照分加級。如孳生缺額未至二百匹者免議。缺二百匹者為一分。該總管翼領各罰俸六月。缺二分者罰俸一年。三分者降一級留任。四分者革職。商都達布遜諾爾馬羣。每三年牝馬三匹。額生馬駒一匹。計匹分等。與大凌河同。議賞一等者。牧長毛青布六十疋。牧副四

十疋。二等牧長毛青布四十疋。牧副二十疋。三等牧長毛青布二十疋。牧副十疋。議罪一等者。牧長罰牲一九。牧副鞭六十。二等牧長罰牲一七。牧副鞭五十。三等牧長罰牲一五。牧副鞭四十。如羣內缺原額者。牧長罰牲二九。牧副鞭八十。其各羣倒斃馬匹。計其多寡。定為三等。一等者議賞。二等免議。三等議罪。皆照牝馬孳生之三等賞罰例行。其該羣翼領計其所管馬羣數目。不拘多寡。共折作十二羣。如賞罰均者免議。七羣八羣得賞者。賞翼領緣領羊皮緞袍一件。

毛青布十疋。九羣十羣得賞者。賞皮端單一件。  
毛青布二十疋。十一十二羣得賞者。賞皮端單  
羊皮緞袍各一件。毛青布二十疋。如七羣八羣  
得罪者。翼領罰牲一九。九羣十羣得罪者。罰牲  
二九。十一十二羣得罪者。罰牲三九。騮駝羣每  
年百駝內例斃一隻至四隻者。賞牧長毛青布  
六十疋。牧副四十疋。五隻至八隻者。牧長布三  
十疋。牧副二十疋。九隻至十二隻者。免議。十三  
至十六隻者。牧長鞭八十。牧副鞭六十。至十七  
隻以上者。牧長鞭一百。牧副鞭八十。該羣翼領

賞罰與馬羣例同。達里岡愛北駝羣。每六年內  
北駝五隻。額生駝二隻。額外孳生二十一隻以  
上者。給一等賞。十一隻至二十隻。給二等賞。一  
隻至十隻。給三等賞。如孳生缺額。計隻分三等  
罰如之。其該總管翼領牧長。牧副。應行賞罰。皆  
照商都達布遜諾爾北馬羣賞罰例行。○又定  
考覈

京師各廢及各游牧羣。其應賞衣裘緞布之在京  
廢長。廢副。移廣儲司領取。罰俸之廢長。行戶部  
該旗。應鞭責之廢副。由上駟院辦理。游牧羣應

加級之總管翼領。係內務府人。移咨內務府。係旗人。行該旗兵部。應降級罰俸。行戶兵二部。牧長牧副。應賞衣表緞布。行廣儲司。應賞牛。行慶豐司。領取應罰俸之牧長。移該總管轉行。

盛京戶部。各照例辦理。應罰牲之翼領牧長。行該總管追繳。牛羊羣總管覈收。應鞭責之牧副。交該總管辦理。○又定奉差查驗各游牧羣之大臣。應乘馬十匹。侍衛司官六匹。筆帖式四匹。廢長牧長各五匹。廢副牧副各三匹。廢丁牧丁二人。共馬三匹。均於駑馬廢內撥給。各官役路費。

大臣侍衛每人日給銀一錢三分。廐長牧長筆帖式各給銀八分。廐副牧副各給銀五分。其應得口糧及出口照票均咨戶兵二部領取。雍正十年奏准內外馬廐。

御馬駕馬每年百匹內殘疾一二匹者賞廐長毛青布六疋。廐副三疋。三四匹者免議。五六匹者廐長有官者罰俸兩月。無官者鞭四十。廐副鞭二十。六匹以上者著落該廐長廐副賠補。○又定大凌河騎馬羣每年百匹內殘疾五匹以上者著落翼領牧長牧副賠補。其殘疾馬匹交



盛京將軍賞給兵丁。○乾隆二年奏准。

御馬內馬。歲一查閱。分三等以定賞罰。其賞罰之制。仍照定例行。○三年奉

旨。嗣後著上駟院。每年將商都達布遜諾爾大凌河等處牧羣內。孳生倒斃馬駝數目。比較上年孳生倒斃多寡之處具奏。○又奏准。每年將商都達布遜諾爾達里岡愛大凌河等處馬羣。數其實數。若比上年孳生多倒斃少者。將該羣人役遇應升牧長牧副者。按次補用。若孳生少倒斃多者。均停其升補。如有黃緣調換牧羣者。該管官一併議處。

○四年奏准。大凌河羣內牝馬。牡馬。馬駒。每三年考覈。如額外多孳生三分者。該總管照例加級。翼領等停其加級。由上駟院註冊。俟下次考牧時。額外孳生好者。六年期滿。換回升一級補用。孳生平等者。換回仍照原品補用。如缺額者。照例分別治罪。○五年奏准。考覈

京師內外廄駕馬及

南苑六廄內巡羣馬。均一年一次定議賞罰。○六年奏准。各廄所養川馬。應差馬。駕車。羸。素。駝。驢。皆照例每年考覈一次。定議賞罰。○十一年奏

准。

南苑六廢內捫馬一羣。一年考察一次註冊。三年將孳生倒斃數目覈實。如有應辦理之處請

旨定奪。○十五年奏准。廢馬定例。每年百匹內倒斃十二匹者。不議賞罰。嗣後於不隨圍之年。仍照定例。如遇隨圍至一月以上者。將倒斃十二匹之數。減二匹入隨圍馬數內覈算。以倒斃四匹為額。兩月以上者。以六匹為額。如倒斃過額者。著該廢長廢副賠補。○十八年奏准。各廢廢長廢副等。在廢三月以內不議賞罰。三月以上如

例行。其應鞭責之廢副。交慎刑司懲責。○二十三年奏准。每年派察哈爾侍衛二員。大門侍衛二員。上駟院侍衛二員。在商都達布遜諾爾達里岡愛二處直年。每處三員。令其隨羣巡查。孳生倒斃數目。一年更換。○三十一年奉

旨。嗣後查羣侍衛等。著裁汰。三年後。上駟院仍照例奏請派大臣均查。○三十二年奏准。達里岡愛牧羣。仍派上駟院侍衛直年巡查。○三十六年奉

旨。據長清奏請。達里岡愛北馬羣。虧空馬二百餘匹。分為三成。總管翼領等分賠一成。三年之內完結。牧長

等分賠二成。六年之內完結等語。此項齊羣缺額馬二百餘匹。總管翼領等應賠者。著照所請。三年之內全行分賠。惟牧長等應賠銀兩。於六年之內完結。伊等未免拮据。此項銀兩。原無一定年限。著施恩酌量。伊等生計充裕。作為八年全行賠補。著為例。○四十

二年奉

旨。直年侍衛到牧羣。既無應辦事件。即照所奏。停其遣往。但此係久行之例。難以裁汰。交該衙門間幾年。請旨奏派上駟院侍衛前往稽查。○五十三年奏准。每三年一次。上駟院奏請。

欽派大臣一人。前往游牧齊羣。至間幾年奏派上駟院侍衛查羣之例停止。

馬駝出牧。○康熙初年定。每年四月初一日。將京師各廄馬發五百匹。往張家口外放青。至九月十五日進口。豫月奏遣上駟院侍衛二人。分為兩班辦理。每人日給路費銀一錢三分。廄長一人。日給路費銀八分。廄副一人。廄丁十五名。各日給路費銀五分。其出牧官役。每羣各給羊二。咨慶豐司領取馬羣出口。行兵部給票。○又定大凌河馬羣。每年於四月初一日放青。十一月

初一日入莊餵養。隨羣出牧之牧長、牧副、牧丁。各給路費及羊。均照

京師廢馬出牧例。由該總管咨上駟院轉行咨給。○三十二年定。內外馬羣出牧給藥。行藥房領取。○四十六年定。內廢駝百隻。每年四月初一日。以五十隻存廢。餘交商都達布遜諾爾總管。就該處放青。至九月初一日送京。○六十一年奏准。

南苑六廢內巡羣馬一百八十四匹。每年四月初一日。以九十四匹即在

南苑放青。九月十五日入廐。如馬有殘疾者。減草豆之半。○又定各廐馬駝出牧口外。每日按站各給草一束。行戶部飭該地方備給。○雍正五年奏准。大凌河隨羣出牧之官役。停其給予路費。○乾隆元年奏准。京城內外騫馬五廐。共馬一千二百匹。以五百匹放青。回日如馬有殘疾者。數減草豆之半。○三年奏准。大凌河隨羣出牧之牧長。各日給路費銀五分。牧副牧丁。各給銀二分五釐。○十四年奏准。將應放青之騫馬五百匹。減存百匹。歲以四百匹出牧口外。○三



十四年奏准嗣後

皇子乘馬並駕馬每年四月初一日起五月底止同各管廐官員善畫足數應差留廐餵養外其餘馬匹送至

南苑擇有水草之處牧放。夜晚餵草豆一半。餘存一半。俟圍獵以前及冬季漸添餵養。若由圍騎回馬匹亦照此例送至

南苑視其寒暖或牧放十五日或二十日再行入廐餵養。

供直馬。○原定日以

御馬四匹。齊其毛色。具鞵轡列於上駟院門外。駐蹕圓明園。以六匹豫備如前。

扈從馬。康熙年間定。

聖駕巡幸。掌

御馬大臣奏請於

御馬內馬中。選取隨從。日以十匹備

乘御。扈從官役所乘。駕馬及橐駝。駕車。羸馬。應用數目。由上駟院奏

聞。並奏遣卿一人侍衛。一人管理。

御馬途次日。給草二束。駕馬駝日。給草一束。行戶

部沿途豫備。駕車羸日給熟豆四升。草九斤。駕車馬熟豆二升。草十一斤。應用芻牧器具人夫均行會計司。令沿途附近各莊豫備。由上駟院奏委侍衛司官各一人。監視散給。○又定尚茶尚膳武備院各隨

駕官役需用馬匹。由各該處咨取。內監需用馬匹。由內務府轉交。均於駕馬內撥給。差竣繳回。各官役內監隨侍

皇子出行。撥給馬匹亦如之。○又定上駟院扈從官役。每日應得路費銀一錢三分。由院按日合

計移戶部給領。並移咨戶科江南道稽察所需帳房鞵轡等物。移武備院支竿行營造司。車繩油蠟行內管領。各如數給領。回日除油蠟外。餘各移交所司收存。各官役隨侍。

皇子出行亦如之。○三十七年奉

旨。嗣後出外。上駟院所屬人員。皆令騎八旗官馬。○乾隆五年奏准。裝載

內庭備用器物車。所需駕車馬。向例交內管領於廣儲司支領制錢。雇覓應用。今著停止。交上駟院於各廄駕馬內。選馴良者六十匹。以備駕車。

之用。○十七年奏准。凡遇隨園內監尚茶尚膳  
等人乘騎。及負載器物需用馬數。約一千四百  
有餘。嗣後由上駟院將各廄馬數驗。如不敷  
用。具數請

旨。飭交兵部撥給八旗官馬應用。○十八年奏准。

內廷隨侍人等騎用馬匹。均令廄長註冊。上駟院  
卿時往點驗。如馬數與冊不符。嚴加懲治。廄長  
於每月初具數呈堂。每三月。上駟院卿彙數奏  
聞。交該處覈對。○二十三年奏准。隨園內監尚茶尚  
膳人等途次補換疲乏馬匹。向由商都達布遜

諾爾牧羣撥馬一千匹。以備更換。今定以五百匹為額。即於八旗出青官馬內行取備用。再每次

木蘭園內應用駝七十隻。即於喀喇沁牧養駝隻內選駝七十隻。送往備用。○三十四年奏准。隨園內監騎用馬匹。及茶膳房等處馱馬。派內務府大臣一員。會同上駟院大臣監視牧放。○嘉慶十一年奉

旨。隨從清漪園去之總管首領太監太監等。每人各賞騎馬一匹。○又奉

旨。春秋巡幸。隨從之總管太監。每一人賞添馬一匹。首領太監太監等。每三人賞添馬一匹。○二十三年奉旨。首領太監等。嗣後改為每四人賞添馬一匹。○道光

二十三年

諭。嗣後如遇恭謁

陵寢。阿哥圍差。及別項用馬較多差務。著上駟院兵部先期於察哈爾牧放馬匹內。調取備用。其八旗滿洲蒙古馬匹。均著准其免調。

欽定大清會典事例卷一千二百九

內務府

畜牧

內外牛羊園 典牧員役 游牧牛羊  
庫 游牧員役 供用 牛羊園馬苑

內外牛羊園。○順治初年。設內牛園三於

西華門外。設外牛園三。供乳餅園一於

南苑。設羊園六於豐臺。○康熙二十三年奏准。內

三牛園每園養全耳驢牛五。其分例乳牛。專供

內庭取乳者。隨時增減無定額。

南苑三牛園。每園養全耳驢牛七。分例乳牛。額外

乳牛。均隨時增減。備給莊園驢牛六。又乳牛八



十。別自為圍。專供乳餅乳渣。○又奏准。豐臺六  
羊圍。定額一等羊一千二十。二等羊二千四百。  
北羊六十。○三十一年定內三圍。遇有增換之  
牛。向外三圍取用。外三圍及乳餅圍。豐臺六羊  
圍牛羊。每歲均於張家口外取用。其不堪畜養  
者。送交張家口外收放。○三十四年奏准。豐臺  
六羊圍內。減一等羊五百四十。定為四百八十。  
減二等羊一千三百二十。定為一千八十。○又  
議准。每年十二月內。蒙古四十九旗王貝勒貝  
子公等。每旗貢羊一。據理藩院咨文到日。如數

歸入豐臺六羊圈餵養。○四十年奏准內三牛  
圈增駕車牛六。牡牛三。青牛一。○四十二年覆  
准。每年七月。委官往張家口外領取牛羊。將選  
定牛羊烙印入圈。如印記模糊。於覆看時補印。  
其在京牛羊圈所用鐵印記。如年久損壞。交武  
備院更換。○五十八年奏准內三牛圈減全耳  
驢牛三。

南苑三牛圈減全耳驢牛十三。備給莊園牛。盡行  
裁汰。供乳餅牛圈減乳牛十五。○又奏准豐臺  
六羊圈減一等羊一百二十。定為三百六十。減

二等羊三百六十。定為七百二十。減北羊二十。定為四十。○六十一年奏准。豐臺六羊圈。增一等羊一百二十。定為四百八十。增二等羊二百四十。定為九百六十。○雍正元年奏准。豐臺六羊圈。增一等羊一百二十。定為六百。增二等羊二百四十。定為一千二百。○又覆准。供乳餅牛圈。增乳牛十。○又奏准。每年取用張家口外牛。定為五百。羊定為一千八百。送回張家口外牧養者。牛不得過二百。羊不得過六百。○二年覆准。供乳餅牛圈。減乳牛十五。○三年覆准。內三

牛園增乳牛十二。○四年奏准。以烏珠穆沁羊歸入豐臺一等羊內餵養。○五年奏准。每年取用張家口外羊。定為二千七百。○六年議准。餵養烏珠穆沁羊。定為二十。○九年奏准。每年取用張家口外羊。定為三千五百。如有餘騰。於次年應取數內扣除。○乾隆元年覆准。供乳餅牛園增乳牛二十。○三年覆准。供乳餅牛園增乳牛二十。○三十四年奏准。豐臺六羊園。每園羊三百。各減五十。帶養羊。每園定為一百。○又議准。南苑三續牛園。現養牛四百八十二。豫備內園更

換。本屬有餘。應每園定為一百。餘牛一百八十。  
二。送往張家口牧養。○三十六年。減內牛園一。  
○四十一年。裁

南苑牛園二。所留一園。養乳牛一百。全耳驕牛十。  
二。壯牛駕車牛。青牛。各二。餘牛一百八十一頭。  
儘數裁汰。○五十年。內牛園減乳牛一百三十。  
四。

南苑續牛園減乳牛四十。供乳餅牛園減乳牛二。  
十。○嘉慶四年。內牛園增設乳牛五十三。續牛。  
園增設備用乳牛五十。○十年。續牛園添餵乳。

牛十五。○十七年。移豐臺六羊園於

南苑。每園建蓋瓦房土房各三間。交營造司修建。其豐臺舊羊園地二頃四十畝。交順天府轉飭所屬招佃開墾。照例徵租。

典牧員役。○順治初年定。內三牛園。外三牛園。各設廄長三人。廄副三人。內三牛園。廄丁六十六名。鋤草服役人六名。外三牛園。廄丁二十六名。鋤草壯丁十六名。供乳餅團。設廄長一人。廄丁八名。鋤草壯丁二名。豐臺六羊園。設廄長六人。廄副六人。廄丁五十七名。篩豆壯丁六名。

南苑豐臺牛羊諸園。共設壯丁頭目一名。廢長缺。於筆帖式執事人護軍廢副內選補。廢副缺。於廢丁內選補。廢長各食原俸餉。廢副月給銀二兩。廢丁等一兩。每銀一兩各隨米一斛。頭目給地一頃。壯丁各給地三十五畝。有缺各以其子弟充補。○康熙二十三年奏准內三牛園外三牛園。供乳餅園。豐臺六羊園。每園各增設廢副一人。○二十四年覆准內三牛園。每園裁廢丁七名。增設鋤草服役人七名。○又奏准豐臺六羊園。共增設廢丁十五名。○三十二年奏准內

三牛圈。外三牛圈。豐臺六羊圈。每圈各增設廄丁二名。○三十四年奏准。豐臺六羊圈。每圈裁廄丁二名。內三牛圈。外三牛圈。每圈增設廄丁二名。○二十六年奏准。內三牛圈。共增設鋤草服役人十四名。○雍正元年奉

旨。牛羊圈廄長廄副缺。即著總管內務府大臣選補。○十一年。裁內三牛圈。鋤草服役人二名。○乾隆三十四年奏准。豐臺各圈事務。每年奏派大臣一人直年。○又奏准。京城內外牛羊圈。派慶豐司官三人。別司司官三人。分管直年。裁內牛圈



廩長一人。廩副二人。廩丁十八名。○四十一年。裁。

南苑三園內原設廩長二人。廩副四人。廩丁三十名。○五十年。裁汰內外牛圈廩丁十三名。內牛圈派茶房章京一人。慶豐司官一人。羊圈派膳房章京一人。慶豐司官一人。一同辦事。

游牧牛羊羣。○順治初年。設牛羣一百九十八。羊羣二百四十。於張家口外游牧地方。○康熙二十二年。奏准。張家口外游牧處。增設牛四十二羣。羊一百二十羣。○三十一年。奏准。養息牧

設牛五羣。每羣乳牛九十。牝牛五。驕牛五。於張家口外牛羣內撥給。○三十八年覆准。張家口外游牧處增設牛二十羣。○三十九年議准。於張家口外羊羣內撥羊一萬。於達里岡愛分設羊三十羣。○四十二年奏准。達里岡愛增設羊三十羣。○又奏准。張家口外游牧處增設牛三十羣。○又覆准。游牧各羣所用鐵印記。如年久損壞。送慶豐司交武備院更換。○四十四年覆准。張家口外游牧處牛羊羣額牛三萬。以一百二十為一羣。額羊二十一萬。以四百

為一羣。○又奏准。張家口外游牧處。增設牛二  
十二羣。羊九十九羣。○四十五年奏准。達里岡  
愛。增設羊五十羣。○四十八年奏准。達里岡愛  
增設羊七十羣。○五十二年議准。達里岡愛羊  
羣。定額十萬。不准缺少。○雍正六年奏准。張家  
口外游牧處。減羊十羣。○十年議准。達里岡愛  
所養羊十萬。除賞給移禁兵丁九萬五千一百  
四十外。所贖無多。令歸併張家口外羊羣內牧  
養。○十一年議准。於張家口外羊羣內。撥羊十  
萬。送往軍營。○乾隆元年議准。於軍營羊羣內

選取十萬。以三萬於達里岡愛牧養。復設羊羣九十。其餘七萬歸張家口外羊羣牧放孳生。○六年覆准。達里岡愛原牧及孳生羊。共六萬一百有餘。除原設九十羣外。增設羊二十羣。每羣以五百為率。○九年議奏。達里岡愛羊。共一百十羣。每羣五百餘。共計六萬一百有餘。今合現在孳生之數。共羊八萬五千二百二十九。每羣至七百餘羊。不能牧放。請存留六萬。仍作為一百十羣。撥羊一萬四百六十。補足張家口外二十一萬之額。尚餘羊一萬四千七百六十九。應

請變價奉

旨。除存留達里岡愛牧養羊六萬外。其餘二萬五千二百二十九羊。以一萬四百六十撥往張家口外羊羣補足原額。尚餘一萬四千七百六十九羊。仍令達里岡愛羣內均分暫養。俟孳生繁多。再行請旨。○二十一年。裁達里岡愛羊二十羣。○二十三年議准張家口外游牧處。牛羣併作六十。每羣以五百為率。羊羣併作一百五十。每羣以一千四百為率。達里岡愛羊羣併作五十。每羣羊數亦如之。○三十二年議准。張家口外。減牛二十羣。增設

羊二十羣。原設牛羣人役。即令充當羊羣差務。  
○三十六年。減張家口外羊羣四十四。減達里  
岡愛羊羣二十。○三十八年議准。張家口外游  
牧處增設羊四羣。達里岡愛增設羊十一羣。  
○四十一年奏准。達里岡愛增設羊六羣。○四十  
四年議准。達里岡愛增設羊八羣。○四十七年  
奏准。察哈爾三旗達里岡愛牛四十羣。羊一百  
八十五羣。每羣設駝一馬三。備差應用。○又奏  
准。張家口外游牧處增設羊五羣。達里岡愛增  
設羊十五羣。○又議准。張家口外游牧處增設

羊二十羣。備差駝馬。亦照例增設。○五十年議  
准張家口外游牧處增設羊十五羣。備差駝馬。  
亦照例增設。

游牧員役。○順治初年定張家口外牛羊羣。每  
十羣設長一人。每羣設牧丁二名。共設牛羣十  
羣。長十九人。牧丁三百九十六名。羊羣十羣。長  
二十四人。牧丁四百八十名。每牛羊五羣。各設  
領催一名。○康熙二十三年奏准張家口外牛  
羣增設十羣。長四人。牧丁八十四名。羊羣增設  
十羣。長十二人。牧丁二百四十名。○三十年奏

准。張家口外牛羊羣十羣。長月給銀二兩。領催  
牧丁各一兩。不隨米。三十一年奏准。養息牧  
牛羣。設牧長一人。領催一名。牧丁十名。牧長月  
給銀二兩。領催牧丁各一兩。交

盛京將軍於蒙古等子弟內選補。三十三年奏  
准。張家口外設牛羣協領三人。筆帖式六人。羊  
羣協領三人。筆帖式六人。每牛羊五羣。各設領  
催一名。共設牛羣領催四十六名。羊羣領催七  
十二名。協領由京補授者。仍食原俸。內口外人  
員補授者。月給銀三兩。蒙古筆帖式。月給銀一



兩。○三十七年議准張家口外馬駝牛羊羣。共  
設總管一人。○三十八年奏准張家口外增設  
牛羣十羣長二人。領催四名。牧丁四十名。○三  
十九年議准達里岡愛羊羣。設翼領一人。筆帖  
式一人。十羣長三人。領催六名。牧丁六十名。隸  
張家口游牧總管管轄。翼領仍食原俸。十羣長  
蒙古筆帖式領催牧丁等。均如張家口外給銀  
之例。○四十一年奉

旨。張家口外馬駝牛羊羣。著分任管理。設馬駝羣總管  
牛羊羣總管各一人。並照大凌河例。各設副管一人。

其補授副管者內務府總管無論外旗內府將出過稅差家道殷實者列名具奏均以原品管理三年更代。○四十二年奏准張家口外增設牛羣牧丁六名。羊羣十羣長九人。領催十八名。牧丁一百八十二名。○又奏准達里岡愛羊羣增設十羣長三人。領催六名。牧丁六十名。○四十四年奏准張家口外增設牛羣十羣長二人。領催四名。牧丁四十四名。羊羣十羣長十人。領催二十名。牧丁一百九十八名。○四十五年奏准達里岡愛羊羣增設十羣長五人。領催十名。牧丁百名。○四

十七年奉

旨。張家口外牛羊羣。增設副總管一人。○四十八年奏  
准。達里岡愛羊羣。增設筆帖式一人。十羣長七  
人。領催十四名。牧丁一百四十名。○六十一年  
議准。張家口外牛羊羣總管員缺。於府屬員外  
郎內揀選。副總管員缺。各部院保送司官及府  
屬官內揀選。協領缺。於上三旗蒙古都統所屬  
護軍校。驍騎校。及該總管保送之委署協領十  
羣長等員內揀選。均引

見補授筆帖式員缺。由該總管於牧丁內選補。副總

管三年更代。筆帖式三年任滿來京補用。達里岡愛羊羣翼領員缺。准張家口總管咨文。以該處保送之委署翼領十羣長等引。

見補授。○雍正元年奉

旨嗣後牛羊羣總管由五品官補授者。著定為四品。由四品官補授者。定為三品。由大員補授者。著以原品管理。永著為例。○二年奏准。張家口外牛羊羣副總管。如由無品級委署副總管補授者。定為六品。○四年奏准。張家口外牛羊羣協領。如由無品級人員補授者。定為六品。○六年。裁張家口外

羊羣十羣長一人領催二名。牧丁二十名。○七年覆准。達里岡愛增設委署翼領二人。其由無品級委署翼領補授翼領者。定為六品。其由十羣長委署翼領者。均開列別補。不令兼辦。○九年覆准。張家口外牛羊羣副總管。如由六品協領補授者。定為五品。○十年議准。張家口外牛羊羣。各增設委署協領六人。○又議准。張家口外協領。達里岡愛翼領。現食半俸者。均給全俸。委署者。仍照十羣長之例。月給餉銀二兩。○又議准。於上駟院太僕寺三旗牛羊羣三處游牧。

蒙古丁內。挑選千名。調往軍營。奉

旨。此項兵丁。俟凱旋時。著即為三處游牧羣。挑選兵丁。令防守牧羣。以備緝捕盜賊之用。○又議准。裁達里岡愛羊羣。其翼領以下及牧丁。歸於張家口外牛羊羣。○十一年議准。於張家口外三旗牛羊羣內。揀選副總管一人。防禦四人。驍騎校四人。護軍校四十二人。護軍三百七十六名。調往軍營。○十三年議准。於調往軍營護軍校內。裁減二十五人。○乾隆元年議准。達里岡愛復設羊羣翼領一人。委署翼領二人。筆帖式二人。十羣

長九人。領催十八名。牧丁一百八十名。○又議  
舊軍營撤回之官兵。除副總管防禦驍騎校。係  
管轄之員。毋庸議外。嗣後凡牧羣協領翼領員  
缺。均於護軍校護軍內揀選。不必開缺。食原俸  
餉。現在達里岡愛。復設羊羣。所需官役。亦即於  
此內選補。其餘護軍校護軍等。各令防範牧羣。  
緝捕盜賊。○又覆准。張家口外牛羊羣。設效力  
筆帖式二人。每人月給俸銀二兩。○六年覆准。  
達里岡愛羊羣。增設十羣長二人。領催四名。牧  
丁四十名。除盡將防範牧羣之護軍校護軍等

頂補兼役外。不敷牧丁。於游牧處幼丁內選充。  
○又復准自軍營撤回之游牧蒙古人丁。共五百四十一名。內張家口外三百三十二名。達里岡愛二百九名。其達里岡愛兵弁。經該總管奏准。俟有十羣長牧丁等缺。以次頂補兼役。食原俸餉。其不敷牧丁。於牧羣幼丁內選充。張家口外兵弁。亦應照此辦理。其副總管防禦驍騎校等。令專管兵丁。緝捕盜賊。○九年奏准。張家口外牛羊羣副總管員缺。停其於各部院出過稅差家道殷實官員內。揀選補授。令該總管於該



處蒙古官內。揀選諳練牧事能約束人者。送京引

見補授。令其分翼各管羣牧。仍兼緝捕賊匪之事。

十八年奏准。張家口外牛羊羣總管。保送補授護軍校驍騎校之人。皆係口外居住蒙古。每次前來引

見往返難免多糜路費。嗣後亦照補授歸化城驍騎校之例。於引

見時。將擬陪之人。應否記名聲明。繕單一併具奏。二十一年奏准。達里岡愛所裁二十羊羣之十

羣長二人。領催四名。牧丁四十名。俱令專捕盜賊。○二十三年議准。三旗牛羊羣。每羣定為牧長一人。牧副一人。牧丁六名。將十羣長改為牧長。牧長缺。於領催內揀選補放。領催改為牧副。牧副缺。於牧丁內揀選補放。仍食原餉。將所餘牧丁二十名裁汰。○二十六年議准。張家口外牛羊羣。左右兩翼副總管二人。鑄給關防。○三十三年奏准。三旗牛羊羣。原設慶豐司效力筆帖式二人。停其派往。於蒙古內擇其通曉清文者充補。○三十六年議准。裁張家口外羊羣牧

長牧副各四十四人。牧丁二百六十四名。裁達里岡愛羊羣。長牧副各二十名。牧丁一百二十名。○三十八年議准。張家口外羊羣。增設牧長牧副各四人。牧丁二十四名。達里岡愛羊羣。增設牧長牧副各十一人。牧丁六十六名。○四十一年奏准。達里岡愛羊羣。增設牧長牧副各六人。牧丁三十六名。○四十七年奏准。達里岡愛羊羣。增設牧長牧副各十五人。牧丁九十名。張家口外羊羣。增設牧長牧副各五人。牧丁三十名。○又議准。張家口外羊羣。增設牧長牧副

各二十人。牧丁一百二十名。○五十年議准。張家口外羊羣。增設牧長牧副各十五人。牧丁九十名。○五十三年。裁張家口外三旗牛羊羣總管。關防送部銷毀。○嘉慶四年。奏准。張家口外牛羊羣。復設四品總管一人。鑄給關防。專司三處羣牧事務。

供用。○康熙年開定。

太皇太后

皇太后用乳牛各二十四。

皇帝

皇后共用乳牛一百。

皇貴妃用乳牛七。

貴妃用乳牛六。

妃用乳牛五。

嬪用乳牛四。

貴人用乳牛二。

皇子福晉用乳牛十。

皇子側福晉用乳牛五。均每乳牛一。取乳二斤。交

送尚茶房。又議准尚膳房日用羊。每十日一

次。由尚膳房將用過數目。移慶豐司。彙入年終

具題。又定外三牛圈。每日取乳十二壺。交送尚茶房。供乳餅圈。每年取乳漣八十斤。乳漿一百五十斤。交送尚膳房。三十一年奏准。養息牧牛羣。歲納乳酥三百七十斤二兩。大乳餅一百六十四斤八兩。小乳餅六斤。乳酒一百六十六斤。由慶豐司據

盛京將軍咨文。交送尚膳房。四十一年奏准。張家口外牛羣。歲納乳酥一百二十二斤十二兩。大乳餅四千四百十七斤八兩。蒙古乳餅一百五十八斤二兩。乳酒四千九百二十七斤八兩。

由慶豐司據該總管咨文。交送尚膳房。○又奏  
准。

內庭各

宮殿寺廟。每年所用供獻大白乳餅。均由

南苑乳餅團成造交進。○又奏准。

皇子婚娶初定禮。用羊三十六。成婚禮。用羊四十。  
五合卷禮。用羊五。給來使。用羊四。如親王等之  
子。奉

旨由內庭婚娶者。均據掌儀司奏准羊數給予。凡公  
主。初育喜生男。給牛四。羊四十。生女。給牛二。羊

二十。郡主給牛二。羊二十。縣主縣君各給牛二。羊十。公主初回蒙古部落沿途日給羊二。每七日給牛一。陪嫁人。每戶給駕車牛二。郡主縣主日給羊一。陪嫁人。每戶給駕車牛一。縣君陪嫁人。每戶給駕車牛一。均據掌儀司咨文給予。○又奏准每年

御馬羣大馬羣出牧。每羣各賞羊二。於張家口外羊羣取給。大凌河騾馬羣出牧。每羣各賞羊二。於豐臺六圈取給。均據上駟院咨文辦理。○四十六年奏准喜峯口至古北口共五十八莊。每



莊給予乳牛十頭。不取孳生。亦不准倒斃。每年十月朔至次年二月終。令該莊頭等。各出芻菽牧養。抵銷正賦。如遇

聖駕巡幸口外。照口內備用乳牛數目。取乳交送尚茶房。○又奏准。凡

巡幸備用牛羊。均無定額。乳牛由尚茶房撥往。羊由尚膳房撥往。○雍正元年定。每年春秋二季。清茶房造乳餅。日用牛乳五十斤。由尚茶房咨明於

南苑三牛園內撥取乳牛十五頭。送入內三牛園

餵養取乳至停造乳餅時仍歸原圈。○二年奉  
旨耕藉牛二頭著交總管內務府大臣於潔淨處加意  
飼養。欽此遵

旨議准此項牛隻交

南苑三牛圈餵養。○三年奉

旨耕藉典禮朕每歲舉行所交內務府牛著於南苑圈  
內加意牧養。屆期仍用此牛。欽此遵

旨議定每年耕藉後順天府送到耕藉牛交

南苑三牛圈牧養。至次年耕藉前順天府仍行取  
用。不堪用時聽順天府別行採買。耕藉後將用

過牛隻。照例交團餵養。其不堪應用之牛。亦留團餵養。○又奉

旨。凡來奏事之王大臣。著賜茶。欽此。遵

旨。議准於內三牛圈。增乳牛十二。每日取乳三十斤。交尚茶房備用。嗣後尚茶房尚膳房等處。如有額外增設牛乳。於內三圈應交牛乳外。儘數取乳交送。再有不敷。移付掌儀司轉咨光祿寺。令其交送。○九年議准。嗣後張家口外牛羣。歲納大乳餅。每年止令交送一千斤。其餘暫停交送。如不敷用。再行咨取。○十年奏准。賞給三姓地方

增設一千兵丁種地牛五百內不敷牛一百二十  
十三頭。於口外各莊備養五百八十乳牛內選  
給。○又議准。凡由在京蒙古都統下補授之游  
牧察哈爾總管。賞給乳牛九。牡牛一。羊八十。副  
總管乳牛七。牡牛一。羊六十。札爾呼齊乳牛五。  
牡牛一。羊四十。均於張家口外牛羊羣內取給。  
○十三年議准。凡賞給羊。每羊折銀一兩。○乾  
隆四年覆准。養息牧等處牛羣。應賞騙牛。停其  
在京領取。就近於

盛京牛圈內賞給。其外三圈所養備賞之騙牛三

十。送往張家口外。入羣牧養。○七年奏准。凡遇  
聖駕巡幸口外。自京至常山峪。豫備之乳牛。加增兩  
站。移至熱河。自圍場至波羅河屯。豫備之乳牛。  
加增一站。移至中關。其口外各莊備養乳牛。除  
陸續倒斃三百七十六頭。毋庸買補。照例折價。  
限三年分交廣儲司外。其現存乳牛一百一頭。  
應撤歸張家口外牛羣牧養。○三十五年奏准。  
南苑三牛圈。每日應交牛乳一百二十斤。酌減一  
半。令交乳餅圈牛乳六十斤。○五十四年奏准。  
各札薩克蒙古台吉所進湯羊。除收用外。如有

不敷以慶豐司羊隻添補。○嘉慶元年議准。每  
年正月初一日起。

皇帝

皇后前每月添用乳牛二十。由慶豐司辦理。○四年  
奏准。

皇后分例。原設乳牛五十。裁減二十五。

貴妃。原設乳牛六。

妃。原設乳牛五。

嬪。原設乳牛四。各裁減二。

貴人。原設乳牛二。並行裁汰。即在

皇后以下主位內隨用。

皇子福晉分例乳牛十。裁減二。

牛羊圈芻菽。康熙二十三年奏准。內三圈每  
驢牛一頭。日給草二束。豆一升五合。乳牛並犢。  
日給草二束。豆一升五合。外三圈每驢牛一頭。  
日給草一束。豆一升。備用乳牛。日給草一束。豆  
五合。額外乳牛。日給草一束。備給莊園驢牛。日  
給草一束。豆一升。供乳餅圈乳牛並犢。日給草  
一束。半。豆一升。豐臺一等羊。日給草半束。豆一  
升。二等羊。每三羊日共給草一束。各給豆五合。

牝羊與二等羊同。○又奏准各圈餵養牛羊草  
豆。每年於八月內。將需用之數。移知會計司。勻  
撥各莊交送。再有不敷。由會計司轉咨戶部領  
取。○又奏准六羊圈所用羊草。每圈歲需七千  
餘束不等。由會計司覈明。移咨奉宸苑撥給。由  
慶豐司出具印領。向

南苑領取。每束腳價銀三釐。由會計司轉咨戶部  
領取。○三十三年奏准。內三圈乳牛並犢。每年  
自十月朔起。至次年二月終止。日增豆五合。○  
四十年奏准。內三圈驕牛。日增豆二升五合。乳



牛並犢。增草半束。自三月朔至九月終。日增豆五合。隨園餵養之駕車牛。牡牛。青牛。每頭日增草二束。豆二升。外三圈備用乳牛。日增草半束。額外乳牛。日增草半束。豆五合。隨園餵養乳牛。日增草束半。豆五合。○四十四年覆准。張家口外牛羊羣解送乳酥等物來京。自到京日起。每駕車牛一頭。日給草二束。由會計司給發。回程時。自京至張家口。日給草一束。由戶部給發信票。按站支取。○又奏准。從張家口外取來之牛。沿途每牛日給草一束。送口外牧放之牛亦如

之。取來之羊。每四羊日給草一束。均由戶部給發信票。按站支取。○五十三年奏准。內三團乳牛。自三月朔起。至九月終止。每牛並犢。日減草半束。豆三合六勺。外三團驕牛。備給莊園驕牛。每牛日減豆九合。備用分例乳牛。日減草半束。

備給莊園牛。於五十八年裁汰。○雍正二年議准。寄養

南苑之耕藉牛。每牛日給草一束半。豆三升六合。○四年議准。每年一等羊出青牧放時。烏珠穆沁羊。日給草半束。豆一升八合。俟一等羊進圈後。即歸入一等羊內。隨羣餵養。不支草豆。○十

年奏准。各廢園所需草豆。停向戶部支取。除收各莊應交草豆外。不敷之草。各委直年官一人。會廢園人員。確訪時價採買。除正價外。每草千斤。給苫蓋堆垛銀四錢。不敷之豆。於戶部奏准山東河南每年運到改折黑豆內領用。各廢園糞計應用數目。移付會計司呈堂轉咨戶部。具印領支取。內三圈。每石腳價銀三分五釐。外三圈及臺臺等處。每石腳價銀六分。○十二年覆准。各廢園應領戶部黑豆。如不敷用。交直年官確訪時價採買。所需銀及草價苫蓋堆垛銀均

由會計司覈明。付廣儲司支領。○乾隆十六年  
奏准。餒羊草。既指

南苑領取。其每束草價銀三釐五毫一絲。停其於  
戶部支領。至車腳苫蓋之費。每束用銀三釐。亦  
毋庸向戶部領取。即於廣儲司收存

南苑所交羊草銀內照數支領。○十七年奏准。嗣  
後每年除由張家口外牧羣額取三千五百羊  
外。增取一千五百羊。額定每年取羊五千。至歲  
終。將實在用過數目。覈銷具題。如本年餘贖羊  
若干。則於次年應取羊數內少取若干。再所增

之羊。皆陸續取到。毋庸別增草豆。即於定額一  
千八十四羊分內。通融餵養。○三十四年議准。  
內三牛圈餵養乳牛。每牛一。原餵豆三升六合。  
嗣後每牛一。日餵豆二升。減豆一升六合。改餵  
米糟四升。如遇隨園。照舊領取草豆。○又議准。  
南苑供乳餅圈乳牛。每牛減豆三合。添餵米糟一  
升。三續牛圈。現在每牛餵豆九合。草一束。應每  
牛添餵草半束。豆一合。米糟一升。○又奏准。豐  
臺六羊圈。自正月至三月。照例餵用穀草。十月  
至十二月。概易羊草。○嘉慶十年議准。續牛圈

添餵乳牛。所需草豆糟石。即於本園應存豆草  
內照內牛園乳牛例餵養。○十七年奏准。豐臺  
六羊園。每羊草一束。例用腳價銀三釐。今將羊  
園移入

南苑。其羊草腳價銀三釐。應按例減半發給。

